

湖海樓全集



湖海樓詩集卷第七

七言古

邑後學任光奇重校

錢越江編修所藏司馬相如古碧玉小印歌

與古碧玉

箭決

同藏

錢侯示我一片玉嫩於落色拳於菱復持底物酷摹畫
邊兒碧眼泓然顛櫝之沉檀屑以麝紫綾錦袂纏螭蛟
開緘雜彩恣潰溢觸手一座停譁吮抹眇秋簷細審視
古翠駁落蝸涎交乃是相如小私印秀若黛滴溪塘坳
昔人阿黑并買得字義佶屈呼聲聲莫嗤犬子絕相類
歛忽變化騰犀犛不鐫小字鐫名姓烏龍怕受當壚嘲

我思玉大不易得出土應藉三重茅當時卓家盛資送
王孫嫁女人聲虓家僮八百捧奩具此玉或亦充裹包
雪膚耽與琴心昵便著犢鼻甯相拋成都才子最魚雅
遠山新寡真娥媼猩紅小印鈐牘尾長門脫藁紛傳鈔
其旁一玉紺綠色眾客復起爲啾啁詳詢始識古箭決
百戰曾刷幽并郊不知出自何代塚土花古血濃黏膠
想其弦擘未成響獸趨豨突山獾跑然疑二物大刺謬
鳥鼠詎可同其巢不知主人蓄深意淘洗酸腐須鞭鞘
長卿文具太秀懦故借猛氣相煎炮客聞此論意陡釋
說真說贗還哇咬風流相賞固有在嗟爾所見誠斗筭

君不見茂陵金碗亦破壞咸陽璽角無堅堦其餘斯邕
古碑篆一半橫被羣兒敲何如此印足把弄千年愛惜
誰爲教錢侯狂叫忽起舞籬菊正放霜天苞亟收二物
弃入匣不爾惡風怪雨防有天龍捐

早暉丹禁赫森爚

讀惠徵士元龍同宋徵士叔邃徐檢討電發潘檢
討次耕侯秀才大年靈祐宮會飲之作和韻寫
懷一首

霜郊細馬挈蠻榼公等於此興不凡更提健筆撲險怪
猛虎背癢摩枯杉昨余羈絆未曾去琳宮遙望青紅嵌
安得幻爲老蝙蝠攬身直上浮圖尖嗟余垂老乃新嫁

窘束不得褰屏簾六宮女伴半嬌橫誰其脫贈茱萸衫
獨餘數子癖痴嗜許擘新蟹圍晴檐那知百事只我誤
更覓四美知誰兼荆溪溪舞浪花白五湖雄長余何謙
茶檣酒舍任跌宕博徒歌叟甯憎嫌千場斟酒雪風月
十面腰鼓箏琶咸閒邀傖楚劇盤馬醉泥天妍低剝柑
顛狂判作半生過茗芋敢辭千日淹不圖皇天有深意
要我宦海嘗酸醎宵編青史苦堆垛早朝丹禁愁森嚴
易州老春攔液局禁賒每每標紅籤斜街菊本太瘦細
欲摘風枝無二三旁人哈我出苦語此意先生胡不廉
不記頻年訴迤賤夜闌兒女篝燈談一官底事轉惆悵

却於朝市誇林邑我時大笑顧座客世路佶屈踰左擔
烏元鵠白有本性煎茗何必加薑鹽一冬臂痛近差減
觥船灑灑還能拈來朝續飲亟報我不爾會遣長鬚覘
丹房石鼎倘聯句狂道士語吾爲添

益都夫子復用前韻戲作宮怨詩見簡再和一首
六更打罷瑤籤歇鴛鴦瓦上參旗沒西宮閑掃競晨粧
隨例金牀縛袴轡憶昔蛾眉未陪輦妾本貧家飽糠粃
繡陌懷春只畏厖銅餅汲井惟愁竭夜半天寒倚竹邊
平明飛上黃金闕乍憐著籍在天家猶勝他人廝養卒
天家誰料劇淒清計託微波私自核殿角東頭拜新月

玲瓏簾掛珊瑚滑未窺皓魄十分圓已報玉京三度字
風颺鳳吹度平陽盛鬢修蛾難伏謁何時寶扇奉宸游
斜抱琵琶訴淪罰回首牽蘿茅屋底此時萬片寒香發
寄語江村姊妹知紅顏歲月真飄忽生女慎勿嫁侯王
生男慎勿把旄鉞從古金門奉帚人悲同飲馬長城窟
妾身自會寫宮愁買賦甯勞金十笏

桃花流水圖歌爲喬編修石林賦

誰翻十斛臙脂水直瀉半幅冰綃中斑斑碎點蜀錦纈
灼灼亂捲江霞烘初疑玉奴霑卯酒臉潮倒暈瓊酥融
復訝誰舞鐵如意一夜迸裂珊瑚宮描摹想像總難肖

良久纔辨花光紅三村兩村低著水千枝萬枝高映空
不知搖櫓者誰子一船盡沒細桃叢兩頭酒碗雜吟卷
隔港漁蠻招釣僮疎疎麋眼織作篷四圍雲水相玲瓏
小桃一笑太無賴幾辨暗逗篷窗中此時鞞紋浪未起
一簾晴鏡磨青銅家家開門放鵝鴨村女茜裙兒竹弓
人無些窳俗湮悶地不瀉鹵時和豐世間那便得此境
或者真與仙源通橋邊早有鰕魚賣且酌白墮調橙葱
酒酣倘欲別村去亟趁船尾桃花風
冬日陪益都夫子善果寺看雪

林邊未碗小梅粉盆內全稀金菊芽天公憐我太索寞

幻作玉戲飄瓊葩琤琤漸擬擊銅鉢淅淅暗欲堆銀沙
陡然湔祓俗腸胃裂眼大叫狂槎枒城隅古寺莽空濶
怪藤雜木紛交加離披遭壓態抑塞偃蹇就縛軀鬢髭
此雖詰屈未成勢玉龍已覺能盤拏插天黛閣更颯爽
周圍欄楯青紅紗皇州一望一千里空明浩淼誰攔遮
西山乘霧失數堵荆關粉本誰塗鴉其餘瑤林并晶闕
十斛糾結蟠春蛇黃扉變理我夫子夙耽禪喜精楞伽
遠公撥火出薯蕷香積掃雪煎脂麻土酥甘滑楮雞美
肥脆還能鳴頰牙薄羅輕洩作寒具鈴以猩印鮮如霞
此時朱門正行酒錦圍四面籠琵琶花羔縷切落紅雪

那顧後世譌淫奢何如我曹淡生活不斟綠蟻惟斟茶
須臾解衣趁浴鼓所喜背癢便搔爬風狂臘雪定爲瑞
來年饑窘甯無涯卓錫哂我語狂悖一笑絕倒相輪斜
仲冬望夜同諸子侍飲益都夫子堂中敬步原韻
嘈嘈點滴水蟻涼渴羌排雲騰綠章今宵願抵千日長
誓與歡伯無參商印懸何必大如斗塵世松喬亦稀有
但祈美醞不離口不見糟肉更耐久我生本乏廊廟才
十年射獵周侯臺臂鷹上馬去不回翻身大笑雕弓開
一朝置網羅英哲微軀也被朝衫縲道旁那羨征西碣
頭上不慣幽州雪從來棋局似長安熱剗旁敲孰肯寬

蕉園藁本墨汁乾千年青史徒叢殘我師造化在其手
從卯揮毫直到酉百家描畫終覆瓿詎敢與師爭不朽
雄雞三號夜漸央獸爐蠟炬光昌昌玉鈎隔座誰所藏
一醉萬態都遺忘

晉興馮君冒聞將膺國子學正之命次汪舍人韻奉贈
岐陽石鼓器怪偉蹟留太學世則無我未手抄兼目擊
空盤硬句追韓蘇羨君臯比擁此地十萬胄子橋門趨
鼓也膨脝屹廡下守闔安用銅駝乎鳳毛犀角相門種
才調豈止堪師儒沙堤代築韋平拜今人料與前賢俱
只愁攬鏡白如瓠褒衣不稱君形模入春花發上丁日

定有彘肉膳吾徒

送宋徵士叔邃歸平陵

我有茅堂瀟湖口與翁里巷遙相連荆溪月悄更鼓順
往往直落平陵邊水關關外汎一幅滑膩賽却鴉青箋
綠帆一峭九十里轉眼便抵翁門前篙師放溜險堪怕
船婦作歌清可憐一舟舞雪明乍滅萬簑響玉輕而圓
瓦塲荻市早語沸葦花櫟葉秋粧鮮我羈京國甫二載
家鄉怪事還喧傳五六月間旱已甚火龍赤帝司其權
西溪一夜陡龜坼海濱石燕空熬煎憶昔前朝兩汎涸
依稀記是庚辰年往來水底路交織沙鳥饑啄擔夫肩

白頭曝背撫遺事，歷歷話作三條絃。當時樵夫拾螺蛤，
每於缺盤尋釵鈿。千春井竈塌不盡，一巷磴確形都全。
浪淘蝕杵綠半段，潮劈空牆紅幾甄。龍逃犀竄竟何處，
不逢其狀逢繁涎。蓬萊揚塵凡幾度，嗟余竟再看桑田。
觀河詎必憂面皺，乍可出手摩金仙。人生遇合定有數，
過眼豪貴同雲煙。江南是月梅漸放，翁歸一笑應狂顛。
伯兄獻歲正五十，亟釀臘酒開長筵。吾鄉山水翁所愛，
得閒定復相周旋。只愁頓失兩溪翠，昔時走舸今乘簷。
人生萬事莽難料，古今陵谷能推遷。山行倘見墨離髻，
戲寄一語翁須鐫。墨離莫笑西泚竭，泚亦笑汝甯牢堅。

安知來歲春水發藻荇不反棲其巔

送王仲昭舍人南歸

舍人結髮起吳越麗藻詎數王僧曇邇來文格倍道緊
蒲牢哮吼鳧鐘鐻布衣客歲來獻賦螭坳偕我趨趨趨
訝君健筆獨扛鼎馘若楚漢鏖章邯賦成殿上顏色動
凌轢晁董君誠堪華銜縱列紫薇署奇字尙閱縹緗函
嗟余駑鈍翻見用忝竊禁近心彌慚我師相國量淵海
謂易齋先生細流小水俱包涵沙堤朝罷火城散便呼數子
爲清談石鼎聯句杯灑灑藍田別業花毵毵正期促膝
守硯北何意掉臂還江南江南此時梅靨破橫枝眠處

溪拖藍或當風日弄妍煥酒船銜尾搖晴潭村村水柵
午抑鮓箇箇烟鉏春種蚶長安軟紅君眼見對此那不
圖抽簪得歸暫卧山水窟竹兜筍屐聊顛憨縣南況有
予季在椒峯萬籤壓架憑幽探君行自可致不惡只餘臣
朔憂心煥金門索米苦饑餓百態總非儒者諳臨歧別
曲纔一放天風劈裂聲如飈因君轉憶小兒女春燈故
國方傳柑

寄黃黎洲先生求爲先人誌墓

熹宗之朝盜竊柄國事稠濁由諸閹刊章告密滿天下
劫火烈烈崑岡炎忠端骨鯁填牢戶少保強項遭髡鉗

三朝要典是何語爾曹病熱徒狂譖膺滂之後愛名節
翁與吾父均酸醎忠泉出井已清冽孝笋拔地偏修纖
東都壇墀立名字西園邸閣紛桂檐懷甯乳贊老逾怒
矯尾直拂鍾山巖我師秋浦魁壘士便樹頤頰張鬚顙
一呼袒褐暴猛獸筆陣霍若霜鋒鋌甬東陽羨迭相和
摩旌掉鞅交無嫌么麼得志逞報復一網盡矣心所甘
王師南下明社屋人頭畜鳴盡夷殲四十年來市朝換
曜靈急景奔驚颿崇文門外黨碑倒沙石磨治落紋嵌
平生先子膠漆友半作黃葉經秋芟晨星落落只翁在
開元軼事餘誰諳先朝鈎黨有本末冰玉碣礫秋陽暹

今人往往咎過激毋乃醜正叢譏譚嗚呼吾父沒已久
墓門鬱鬱愁松杉累翁一片道旁碣請放硬筆爲雕鐫

壽冒巢民先生七十

先生庚子屈五袞我適來捧金屈卮婁東作序字椀大
研繚綾上蟠蛟螭十年庚戌再祝嘏合肥夫子爲之詞
花前秃筆掃屏幃酒痕墨瀋交淋漓今春庚申又七十
佳郎賭著斑斕嬉先生臨觴忽不御無限往事纏心脾
風流文采竟誰是二老一去還無期何人話得老夫事
只有陽羨粗能爲嗟予壯歲病狂易花顛詩癖誠難醫
東臯一住竟十載僮僕怪詫妻孥嗤當時情事最碎瑣